

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17) i čl. 111. i 248. Zakona o bankama ("Službene novine Federacije BiH", broj 27/17), Upravni odbor Agencije za bankarstvo Federacije Bosne i Hercegovine, na sjednici održanoj 13.10.2017. godine donosi

ODLUKU O OBJAVLJIVANJU PODATAKA I INFORMACIJA BANKE

Član 1.

Predmet

- (1) Ovom odlukom propisuju se minimalni zahtjevi za sadržaj podataka, odnosno informacija koje je banka dužna da objavljuje u skladu sa Zakonom o bankama FBiH (u daljem tekstu: Zakon), kao i uslovi, način i rokovi njihovog objavljivanja.
- (2) Ova odluka primjenjuje se na banke sa sjedištem u Federaciji Bosne i Hercegovine (u daljem tekstu: FBiH), kojima je Agencija izdala bankarsku dozvolu.
- (3) Na pitanja vezana za objavljivanje podataka i informacija banke koja nisu definirana ovom odlukom, a definirana su zakonom ili drugim podzakonskim aktima, primjenjivat će se odredbe toga zakona ili drugog podzakonskog akta.

Član 2.

Obuhvat zahtjeva za objavu

- (1) Banka je dužna da objavi podatke i informacije koje se odnose na:
 - a) poslovno ime i sjedište banke;
 - b) vlasničku strukturu i organe banke
 - c) strategiju i politiku upravljanja rizicima banke;
 - d) kapital i adekvatnost regulatornog kapitala;
 - e) likvidnosne zahtjeve;
 - f) izloženosti po osnovu vlasničkih ulaganja banke;
 - g) kamatni rizik u bankarskoj knjizi;
 - h) interni proces procjene adekvatnosti kapitala - ICAAP i interni proces procjene adekvatnosti likvidnosti - ILAAP;
 - i) politiku naknada;
 - j) bankarsku grupu i odnos između matičnog društva i podređenih društava.
- (2) Banka određuje svojim internim aktom kriterije za utvrđivanje podataka, odnosno informacija iz stava (1) ovog člana, procjenu adekvatnosti objavljenih informacija, kontrole i tačnosti tih podataka, odnosno informacija, pravovremenost i učestalost njihovog objavljivanja i procjene da li se tim objavljivanjem sveobuhvatno prikazuje rizični profil banke.
- (3) Ako objavljeni podaci, odnosno informacije ne prikazuju sveobuhvatan rizični profil banke, banka je dužna da objavi i dodatne informacije, odnosno podatke uz informacije u skladu sa stavom (1) ovog člana.

Od banaka se zahtijeva da objavljuju samo informacije koje su materijalno značajne, a koje nisu zaštićene ili povjerljive.
- (4) Banka je dužna da osigura redovno, a najmanje jednom godišnje, provođenje interne revizije akta iz stava (2) ovog člana, odnosno aktivnosti kojima će osigurati tačnost, adekvatnost i pravovremenost podataka i informacija za objavljivanje.

Član 3.

Informacije koje nisu materijalno značajne, zaštićene ili povjerljive informacije

- (1) Izuzetno, banke mogu izostaviti objavu jedne ili više informacija i podataka, ako se informacije iz tih objava ne smatraju materijalno značajnima, osim informacija vezano za sistem upravljanja u banci, regulatorni kapital i politiku naknada.
- (2) Podacima i informacijama koji nisu materijalno značajni smatraju se podaci i informacije čije izostavljanje ili pogrešno objavljivanje ili prikazivanje ne bi moglo uticati na procjenu ili odlučivanje lica koje je u poslovnom odnosu sa bankom.
- (3) Ukoliko se radi o informacijama i podacima koji se smatraju zaštićenim i povjerljivim, odnosno predstavljaju bankarsku tajnu, izuzetno banke mogu izostaviti objavu jedne ili više informacija i podataka, osim u slučaju objave informacija vezano za regulatorni kapital i politiku naknada.
- (4) Informacije se smatraju zaštićenim ako bi njihova javna objava ugrozila konkurentski položaj banke na tržištu. One mogu uključivati informacije o proizvodima ili sistemima čija bi objava konkurentima umanjila vrijednost sa njima povezanih ulaganja banke. Informacije se smatraju povjerljivima ako postoje obaveze prema klijentima ili drugi odnosi sa drugim ugovornim stranama koji banku obavezuju na zaštitu povjerljivosti.
- (5) Banka koja ne objavi podatke, odnosno informacije iz člana 2. stav (1) ove odluke dužna je da objavi činjenicu da ovi podaci, odnosno informacije nisu objavljeni, kao i opće informacije i razloge zbog kojih je ocijenila da ti podaci, odnosno informacije nisu materijalno značajne, da predstavljaju bankarsku tajnu, odnosno da mogu negativno utjecati na njen konkurentski položaj na tržištu.

Član 4.

Podaci i informacije koje se odnose na poslovno ime i sjedište banke

Banka je dužna da objavi svoje poslovno ime i sjedište, organizacione dijelove kao i predstavništva banke.

Član 5.

Podaci i informacije koje se odnose na vlasničku strukturu i organe banke

Banka je dužna da objavi sljedeće podatke, odnosno informacije:

- a) spisak dioničara banke koji imaju 5% ili više dionica sa glasačkim pravima;
- b) članove nadzornog odbora i uprave banke;
- c) politike za izbor i procjenu članova nadzornog odbora i uprave banke;
- d) članove odbora za reviziju;
- e) članove odbora nadzornog odbora (odbor za imenovanja, odbor za rizike, odbor za naknade i dr.) ukoliko su uspostavljeni u banci i učestalost zasjedanja tih odbora;
- f) način organizovanja funkcije interne revizije i rukovodioca interne revizije;
- g) imenovanog eksternog revizora.

Član 6.

Podaci i informacije koje se odnose na strategiju i politike za upravljanje rizicima banke

Banka je dužna da objavljuje sljedeće podatke, odnosno informacije koje se odnose na strategiju i politike za upravljanje svim pojedinačnim rizicima kojima je izložena ili može biti izložena u svom poslovanju:

- a) kratak opis strategije i politika, za svaki pojedinačni rizik;
- b) strukturu, odnosno organizaciju funkcije upravljanja rizicima;
- c) obuhvatnost i karakteristike sistema izvještavanja o rizicima, kao i načina mjerenja rizika;
- d) tehnike ublažavanja rizika, kao i načine koje banka koristi za osiguravanje i praćenje efikasnosti u ublažavanju rizika;
- e) o adekvatnosti uspostavljenog sistema upravljanja rizicima banke u odnosu na njen rizični profil i poslovnu politiku i strategiju;

- f) sažet opis povezanosti rizičnog profila banke sa njenom poslovnom strategijom, kao i sažeti prikaz ključnih pokazatelja poslovanja banke u vezi sa upravljanjem rizicima i njihovih vrijednosti, na osnovu kojih se može ocijeniti upravljanje rizicima banke, kao i način na koji je tolerancija prema rizicima uključena u sistem upravljanja rizicima;
- g) opis načina na koji se osigurava informisanje organa upravljanja banke o rizicima.

Član 7.

Podaci i informacije koje se odnose na kapital i adekvatnost regulatornog kapitala

- (1) Banka je dužna da objavljuje podatke, odnosno informacije koje se odnose na regulatorni kapital, kapitalne zahtjeve, adekvatnost regulatornog kapitala, zaštitne slojeve kapitala i finansijsku polugu.
- (2) Podaci, odnosno informacije koji se odnose na kapital su:
 - a) iznos kapitala, redovnog osnovnog kapitala, dodatnog osnovnog kapitala i dopunskog kapitala banke, sa pregledom pojedinačnih elemenata kapitala, uključujući i regulatorna usklađenja;
 - b) opis osnovnih karakteristika finansijskih instrumenata koji su uključeni u obračun regulatornog kapitala;
 - c) opis usklađenja obračuna regulatornog kapitala u skladu sa Odlukom o izračunavanju kapitala banaka.
- (3) Podaci, odnosno informacije koje se odnose na kapitalne zahtjeve i adekvatnost regulatornog kapitala su:
 - a) iznos kapitalnog zahtjeva za kreditni rizik (standardizovani pristup), uključujući i rizik namirenja za svaku klasu izloženosti;
 - b) iznos pojedinačnih kapitalnih zahtjeva za tržišne rizike (standardizovni pristup);
 - c) iznos kapitalnog zahtjeva za operativni rizik i vrstu pristupa primijenjenog za računanje ovog zahtjeva (pristup osnovnog pokazatelja ili standardizovani pristup);
 - d) dodatni kapitalni zahtjevi za velike izloženosti iz knjige trgovanja;
 - e) stope kapitala (stopa redovnog osnovnog kapitala, stopa osnovnog kapitala i stopa regulatornog kapitala).
- (4) Banka je dužna da objavljuje sljedeće podatke, odnosno informacije koje se odnose na izloženost banke kreditnom riziku, uključujući tehnike smanjenja kreditnog rizika i informacije o vanjskim institucijama za procjenu kreditnog rizika - ECAI ili agencijama za kreditiranje izvoza - ECA:
 - a) definicije pojmova izloženosti u statusu neizmirenja obaveza, i izloženosti u kašnjenju (past due), za računovodstvene potrebe;
 - b) opis pristupa i metoda koji se koriste za određivanje ispravki vrijednosti za kreditni rizik i rezervisanja po gubicima za vanbilansne stavke;
 - c) ukupan iznos izloženosti banke nakon računovodstvenih umanjenja izuzimajući efekte tehnika smanjenja kreditnog rizika, kao i prosječni iznos izloženosti tokom perioda, po kategorijama izloženosti;
 - d) geografsku podjelu izloženosti po značajnijim područjima, prema kategorijama izloženosti uz detaljniju razradu po potrebi;
 - e) podjelu izloženosti prema vrsti djelatnosti, prema kategorijama izloženosti, posebno izloženosti prema SME, uz detaljniju razradu prema potrebi;
 - f) prema preostalom roku dospjeća svih izloženosti, po kategorijama izloženosti, a ako je primjenjivo i detaljnije;
 - g) prema značajnoj privrednoj grani, iznos:
 - 1) izloženosti kod kojih su izvršene ispravke vrijednosti i iznos dospjelih nenaplaćenih potraživanja, odvojeno iskazani,
 - 2) ispravki vrijednosti za kreditni rizik i rezervisanja po gubicima za vanbilansne stavke.

- h) prikaz promjena ispravki vrijednosti za kreditne rizike i rezerviranja po gubitcima za vanbilansne stavke tokom izvještajnog perioda koji uključuje početno stanje, promjene u toku izvještajnog razdoblja i završno stanje,
 - i) odvojeno iskazati specifične ispravke vrijednosti za kreditni rizik i naplatu potraživanja u statusu neizmirenja obaveza, koji su evidentirani kroz bilans uspjeha,
 - j) za svaku od kategorija izloženosti:
 - 1) naziv odabrane ECAI ili ECA, kao i razloge za svaku promjenu izbora istih;
 - 2) kategorije izloženosti za koje se upotrebljava ECAI ili ECA;
 - 3) opis procedura koje se odnose na primjenu kreditnog rejtinga izdavaoca ili emitiranih finansijskih instrumenata izdavaoca na pojedine pozicije iz bankarske knjige;
 - 4) raspoređivanje kreditnih rejtinga izabrane ECAI ili ECA u odgovarajuće stepene kreditnog kvaliteta;
 - 5) iznose izloženosti prije i poslije korištenja kreditne zaštite za svaki nivo kreditnog kvaliteta, uključujući i izloženosti koje predstavljaju regulatorna usklađenja kapitala.
- (5) Banka je dužna da objavljuje podatke, odnosno informacije koji se odnose na protuciklični zaštitni sloj kapitala:
- a) geografsku raspodjelu izloženosti značajnih za izračunavanje protucikličnog zaštitnog sloja kapitala;
 - b) ukupan iznos protucikličnog zaštitnog sloja kapitala banke.
- Protuciklični zaštitni sloj kapitala u slučaju potrebe će se propisati posebnim aktom.
- (6) Banka je dužna da objavljuje stopu finansijske poluge izračunatu u skladu sa Odlukom o izračunavanju kapitala banaka.

Član 8.

Podaci i informacije koje se odnose na likvidnosne zahtjeve

Banka je dužna da objavljuje podatke, odnosno informacije koje se odnose na minimalne kvalitativne i kvantitativne zahtjeve za upravljanje rizikom likvidnosti u skladu sa Odlukom o upravljanju rizikom likvidnosti banaka.

Član 9.

Podaci i informacije koje se odnose na izloženosti po osnovu vlasničkih ulaganja banke

Banka je dužna da objavljuje sljedeće podatke, odnosno informacije koje se odnose na izloženosti po osnovu vlasničkih ulaganja u bankarskoj knjizi:

- a) podjelu izloženosti prema namjeri ulaganja, uključujući i namjeru ostvarivanja kapitalne dobiti i strateške razloge;
- b) pregled korištenih računovodstvenih politika i metoda vrednovanja, uključujući i osnovne pretpostavke i pristupe koji utječu na utvrđivanje vrijednosti, kao i svaku njihovu značajnu promjenu;
- c) vrstu, prirodu i iznose izloženosti po osnovu vlasničkih ulaganja kojima se trguje na berzi, po osnovu vlasničkih ulaganja kojima se ne trguje na berzi, a koja su u dovoljno diversifikovanim portfolijima, kao i po osnovu ostalih vlasničkih ulaganja;
- d) ukupan realizovani dobitak/gubitak za prethodni period koji proističe iz prodaje ili zatvaranja pozicija po osnovu vlasničkih ulaganja.

Član 10.

Podaci i informacije koje se odnose na kamatni rizik u bankarskoj knjizi

Banka je dužna da objavljuje sljedeće podatke, odnosno informacije koje se odnose na izloženost kamatnom riziku po osnovu pozicija iz bankarske knjige, kao i na pristupe za mjerenje, odnosno procjenu tog rizika:

- a) izvore ovog rizika i učestalost njegovog mjerenja;

- b) osnovne pretpostavke za mjerenje, odnosno procjenu izloženosti ovom riziku, uključujući i pretpostavke o prijevremenim otplatama kredita i kretanju depozita po viđenju;
- c) promjene prihoda, ekonomske vrijednosti ili drugih faktora koje uprava banke koristi radi identifikovanja kamatnih šokova, odnosno upravljanja tim šokovima u skladu s metodom koju su utvrdili za mjerenje kamatnog rizika po značajnim valutama.

Član 11.

Podaci i informacije koje se odnose na ICAAP i ILAAP

- (1) Banka je dužna da objavljuje sljedeće podatke, odnosno informacije koje se odnose na ICAAP:
 - a) sažet opis ICAAP-a;
 - b) sažet opis pristupa koje banka koristi za mjerenje, odnosno procjenu svih materijalno značajnih rizika.
- (2) Banka je dužna da objavljuje sažet opis ILAAP-a.
- (3) Banka je dužna da na zahtjev Agencije objavi rezultat procesa iz st. (1) i (2) ovog člana, kao i dodatne kapitalne zahtjeve koje je Agencija odredila pri kontroli poslovanja banke, na osnovu ocjene adekvatnosti i pouzdanosti procesa interne procjene adekvatnosti kapitala banke, njegovog dosljednog provođenja i rezultata te procjene.

Član 12.

Podaci i informacije koje se odnose na politiku naknada

Banke su dužne objaviti informacije koje se odnose na politiku naknada, uključujući i prakse za kategorije zaposlenika banke čije profesionalne aktivnosti imaju značajan utjecaj na rizični profil banke, odnosno sljedeće informacije:

- a) o postupku odlučivanja koji se primjenjuje pri određivanju politike naknada;
- b) informacije o vezi između plaće i uspješnosti, odnosno o korelaciji između naknada, uspješnosti i rizika za sve zaposlenike;
- c) omjere između fiksnih i varijabilnih naknada;
- d) informacije o kriterijima uspješnosti na kojima se zasnivaju prava na dionice, opcije ili varijabilne komponente naknada;
- e) opis, kriteriji i obrazloženje varijabilnih naknada koje koristi banka;
- f) ukupne naknade, po području poslovanja;
- g) zbir svih naknada po kategorijama zaposlenika, te informacije o naknadama podijeljene na upravu, nadzorni odbor i ostale zaposlenike banke čije profesionalne aktivnosti imaju značajan utjecaj na rizični profil banke;
- h) broj zaposlenika čije naknade iznose sto hiljada BAM-ova ili više po finansijskoj godini.

Član 13.

Podaci i informacije koje se odnose na bankarsku grupu i odnos između matičnog društva i podređenih društava

Banka je dužna da objavljuje informacije koje se odnose na bankarsku grupu i odnos između matičnog društva i podređenih društava, odnosno prikaz razlika između izvještaja sačinjenih za potrebe supervizije bankarske grupe na konsolidovanoj osnovi i konsolidovanih finansijskih izvještaja sačinjenih u skladu s MRS/MSFI, i to onih:

- a) na koje je primijenjena metoda pune konsolidacije,
- b) na koje je primijenjena metoda proporcionalne konsolidacije,
- c) na koje je primijenjena metoda udjela,
- d) koji su isključeni iz konsolidacije jer učešće banke u kapitalu tih pravnih lica predstavlja odbitnu stavku od kapitala bankarske grupe,

e) koji su isključeni iz konsolidacije i ne predstavljaju odbitne stavke od kapitala bankarske grupe.

Član 14.

Uslovi, način i rokovi objavljivanja podataka i informacija banke

- (1) Banka je dužna da podatke, odnosno informacije propisane ovom odlukom objavljuje na svojoj web stranici.
- (2) Podatke i informacije koje se odnose na osnovne karakteristike finansijskih instrumenata koji su uključeni u obračun regulatornog kapitala, banke su dužne da objavljuju kroz Prilog 1 – Obrazac glavnih karakteristika instrumenata kapitala, koji je sastavni dio ove odluke.
- (3) Ako banka pojedine podatke, odnosno informacije propisane ovom odlukom objavljuje na drugačiji način, u skladu s drugim propisima, smatra se da je ispunila obavezu njihovog objavljivanja u skladu sa ovom odlukom, pod uslovom da na svojoj web stranici navede gdje su ti podaci objavljeni, izuzev podataka i informacija iz člana 2. stav (1) tačke d) i e).
- (4) Banka je dužna da podatke, odnosno informacije propisane ovom odlukom objavljuje najmanje jednom godišnje – sa stanjem na finansijski datum 31. decembra, i to najkasnije do 31. maja naredne godine.
- (5) Banka je dužna da najmanje jednom godišnje procjenjuje da li je podatke, odnosno informacije iz st. (3) i (4) ovog člana potrebno objavljivati češće nego što je propisano, uzimajući u obzir sljedeće podatke, odnosno informacije:
 - a) obim poslovnih operacija;
 - b) bankarske proizvode koje nudi klijentima;
 - c) prisutnost u različitim državama;
 - d) učešće u bankarskom sektoru;
 - e) učešće na međunarodnim finansijskim tržištima;
 - f) učešće u međunarodnom platnom, obračunskom i kliring sistemu.

Član 15.

Stupanje na snagu

Ova odluka stupa na snagu osmog dana od dana objavljivanja u „Službenim novinama Federacije BiH“.

Broj: U.O.-08-08/17
Sarajevo, 13.10.2017. godine

PREDSJEDNICA
UPRAVNOG ODBORA

mr. sc. Ljerka Marić, dipl.ecc., s.r.

PRILOG 1.	
Obrazac glavnih karakteristika instrumenata kapitala	
Obrazac glavnih karakteristika instrumenata kapitala	
1.	Emitent
1.1.	Jedinstvena oznaka
	Tretman u skladu sa propisima
2.	Priznat na pojedinačnoj / konsolidiranoj osnovi
3.	Vrsta instrumenta
4.	Iznos koji se priznaje za potrebe izračunavanja regulatornog kapitala u hiljadama KM, sa stanjem na dan posljednjeg izvještavanja
5.	Nominalni iznos instrumenta
5.1.	Emisiona cijena
5.2.	Otkupna cijena
6.	Računovodstvena klasifikacija
7.	Datum izdavanja instrumenta
8.	Instrument sa datumom dospijeća ili instrument bez datuma dospijeća
8.1.	Inicijalni datum dospijeća
9.	Opcija kupovine od strane emitenta uz prethodno odobrenje nadležnog tijela
9.1.	Prvi datum aktiviranja opcije kupovine, uslovni datum aktiviranja opcije kupovine i otkupna vrijednost
9.2.	Naknadni datum aktiviranja opcije kupovine (ako je primjenjivo)
	Kuponi/dividende
10.	Fiksna ili promjenjiva dividenda/kupon
11.	Kuponska stopa i povezani indeksi
12.	Postojanje mehanizma obaveznog otkazivanja dividende
13.1.	Puno diskreciono pravo, djelimično diskreciono pravo ili bez diskrecionog prava u vezi sa vremenom isplate dividendi/kupona
13.2.	Puno diskreciono pravo, djelimično diskreciono pravo ili bez diskrecionog prava u vezi sa iznosom dividendi/kupona
14.	Mogućnost povećanja prinosa ili drugih poticaja za otkup
15.	Nekumulativne ili kumulativne dividende/kuponi
16.	Konvertibilan ili nekonvertibilan instrument
17.	Ako je konvertibilan, uslovi pod kojima može doći do konverzije
18.	Ako je konvertibilan djelimično ili u cijelosti
19.	Ako je konvertibilan, stopa konverzije
20.	Ako je konvertibilna, obavezna ili dobrovoljna konverzija
21.	Ako je konvertibilan, instrument u koji se konvertuje
22.	Ako je konvertibilan, emitent instrumenta u koji se konvertuje
23.	Mogućnost smanjenja vrijednosti
24.	Ako postoji mogućnost smanjenja vrijednosti, uslovi pod kojima može doći do smanjenja vrijednosti
25.	Ako postoji mogućnost smanjenja vrijednosti, djelimično ili u cijelosti
26.	Ako postoji mogućnost smanjenja vrijednosti, trajno ili privremeno
27.	Ako je smanjenje vrijednosti privremeno, uslovi ponovnog priznavanja
28.	Vrsta instrumenta koji će se u slučaju likvidacije ili stečaja isplatiti neposredno prije navedenog instrumenta
29.	Neusklađene karakteristike konvertovanih instrumenata
30.	Ako postoje, navesti neusklađene karakteristike

Uputstvo za ispunjavanje Obrasca glavnih karakteristika instrumenata kapitala

Banke ispunjavaju Obrazac glavnih karakteristika instrumenata kapitala-Prilog 1. u skladu sa ovim Uputstvom.

Obrazac sadrži po kolonama različite finansijske instrumente, koji se uključuju u obračun kapitala banke, ako finansijski instrumenti iz iste kategorije imaju iste karakteristike, može se popuniti jedna kolona tako što će se objaviti te iste karakteristike uz navođenje emisija na koje se one odnose.

Banke ispunjavaju obrazac iz Priloga 1. za sljedeće kategorije: instrumente redovnog osnovnoga kapitala, instrumente dodatnog osnovnog kapitala i instrumente dopunskog kapitala.

Upisati "NP" ako pitanje nije primjenjivo

Uputstvo za ispunjavanje Obrasca glavnih karakteristika instrumenata kapitala

1.	Pravno lice koje je izvršilo emisiju instrumenta <i>Slobodan tekst</i>
1.1.	Jedinstvena oznaka (npr. CUSIP, ISIN ili oznaka Bloomberg za privatni plasman). <i>Slobodan tekst</i>
	Tretman u skladu sa propisima
2.	Navodi se nivo uključivanja instrumenta u kapital na nivou grupe <i>Odabрати mogućі tekst: na pojedinačnoj osnovi, na konsolidovanoj osnovi, na pojedinačnoj i konsolidovanoj osnovi</i>
3.	Navodi se vrsta instrumenta <i>Odabрати mogućі tekst: redovne dionice, nekumulativne prioritetne dionice, kumulativne prioritetne dionice, poslovni udjeli, obveznice, subordinisani dug izdat u vidu finansijskog instrumenta i drugi finansijski instrumenti</i>
4.	Navodi se iznos priznatog kapitala u regulatornom kapitalu <i>Slobodan tekst - posebno navesti da li su neki dijelovi instrumenata kapitala u različitim kategorijama regulatornog kapitala i da li je iznos priznat u regulatornom kapitalu različit od iznosa koji je dobijen pri emisiji instrumenta</i>
5.	Navodi se nominalni iznosi instrumenta (u valuti Izdanja i u valuti koja se koristi za potrebe izvještavanja). <i>Slobodan tekst</i>
5.1.	Emisiona cijena instrumenta. <i>Slobodan tekst</i>
5.2.	Otkupna cijena instrumenta. <i>Slobodan tekst</i>
6.	Navodi se računovodstvena klasifikacija instrumenta <i>Odabрати mogućі tekst: dionički kapital, obaveza-amortizovana vrijednost, obaveze-fer vrednovanje, manjinsko učešće u podređenom društvu</i>
7.	Navodi se datum izdavanja instrumenta. <i>Slobodan tekst</i>
8.	Navodi se da li je riječ o instrumentu sa datumom dospijea ili instrumentu bez datuma dospijea <i>Odabрати mogućі tekst: sa datumom dospijea, bez datuma dospijea</i> <i>Odabрати mogućі tekst: sa datumom dospijea, bez datuma dospijea</i>
8.1.	Za instrumente sa dospijecom navodi se inicijalni datum dospijea (dan, mjesec i godina). Za instrumente bez dospijea upisati „bez dospijea”. <i>Slobodan tekst</i>
9.	Navodi se da li postoji mogućnost kupovine emitenta (sve vrste mogućnosti kupovine). <i>Odabрати mogućі tekst: da ili ne</i>
9.1.	Za instrumente koji imaju mogućnost kupovine od strane emitenta navodi se prvi datum aktiviranja mogućnosti kupovine ako instrument ima mogućnost kupovine na određeni datum (dan, mjesec i godina) kao i dodatno, da li instrument sadrži mogućnost kupovine u slučaju određenog poreznog i/ili regulatornog događaja. Navodi se i cijena kupovine. Ova informacija pomaže pri procjeni trajnosti instrumenta.

	<i>Slobodan tekst</i>
9.2.	Ako postoji mogućnost kupovine, navode se naknadni datumi aktiviranja mogućnosti kupovine, ako je primjenjivo. Ova informacija pomaže pri procjeni trajnosti instrumenta. <i>Slobodan tekst</i>
	Kuponi/dividenda
10	Navodi se da li su dividende/kuponi fiksni, promjenjivi, sada fiksni a kasnije će biti promjenjivi ili sada promjenjivi a kasnije će biti fiksni. <i>Odabрати mogućі tekst: fiksni, promjenjivi, fiksni pa promjenjiv], promjenjivi pa fiksni</i>
11.	Navodi se kuponska stopa instrumenta i indeksi povezani sa kuponom/dividendom. <i>Slobodan tekst</i>
12.	Navodi se da li neplaćanje kupona ili dividendi po osnovu instrumenta sprečava isplatu dividendi po osnovu redovnih dionica (tj. postoji li mehanizam obaveznog otkazivanja dividende). <i>Slobodan tekst</i>
13.1.	Navodi se ima li emitent puno diskreciono pravo, djelimično diskreciono pravo ili nema diskreciono pravo u pogledu isplate kupona/dividende. Ako banka ima puno pravo da u bilo kojim uslovima otkáže plaćanje dividendi/kupona, bira se „puno diskreciono pravo” (uključujući kada postoji mehanizam obaveznog otkazivanja dividende koji ne sprečava banku da otkáže isplate po instrumentu). Ako postoje određeni uslovi koji se moraju ispuniti prije otkazivanja isplate (npr. kapital ispod određenog praga) banka bira tekst „djelimično diskreciono pravo”. Ako banka ne može otkázati isplatu dividendi/kupona osim u slučaju nesolventnosti, banka bira tekst "bez diskrecionog prava". <i>Odabрати mogućі tekst: puno diskreciono pravo, djelimično diskreciono pravo i bez diskrecionog prava</i> <i>Slobodan tekst (navesti razloge diskrecionog prava, postojanje mehanizma obaveznog isplaćivanja dividende, postojanje mehanizma obaveznog otkazivanja dividende)</i>
13.2.	Navodi se da li postoji puno diskreciono pravo, djelimično diskreciono pravo ili ne postoji diskreciono pravo u pogledu iznosa kupona/dividende. <i>Odabрати mogućі tekst: puno diskreciono pravo, djelimično diskreciono pravo i bez diskrecionog prava</i>
14.	Navodi se postoji li ugovorna odredba o povećanju prinosa ili druge mogućnosti za otkup. <i>Odabрати mogućі tekst: da ili ne</i>
15.	Navesti jesu li dividende/kuponi kumulativni ili nekumulativni. <i>Odabрати mogućі tekst: nekumulativni, kumulativni</i>
16.	Navodi se je li instrument konvertibilan ili nekonvertibilan. <i>Odabрати mogućі tekst: konvertibilan ili nekonvertibilan</i>
17.	Ako je riječ o konvertibilnom instrumentu, navode se uslovi pod kojima može doći do konverzije, uključujući i trenutak neodrživosti. Ako jedno ili više nadležnih tijela imaju mogućnost pokrenuti konverziju, potrebno je navesti ta tijela. Za svako nadležno tijelo treba navesti jesu li pravna osnova za pokretanje konverzije ugovorne odredbe instrumenta (ugovorni pristup) ili zakonske odredbe (zakonski pristup). <i>Slobodan tekst</i>
18.	Navodi se da li je instrument uvijek konvertibilan u cijelosti ili se može konvertovati u cijelosti ili djelimično ili je uvijek konvertibilan djelimično. <i>Odabрати mogućі tekst: u cijelosti, djelimično, u cijelosti ili djelimično</i>
19.	Navodi se stopa konverzije u instrument sa većom sposobnošću za pokriće gubitaka. <i>Slobodan tekst</i>
20.	Za konvertibilne instrumente navodi se da li je riječ o obaveznoj ili dobrovoljnoj konverziji <i>Odabрати mogućі tekst: obavezna, dobrovoljna, NP, opcija imaoca, opcija emitenta, opcija imaoca i emitenta</i>
21.	Za konvertibilne instrumente navodi se vrsta instrumenta u koji se mogu konvertovati. Ova informacija može pomoći pri procjeni u kojoj mjeri instrument može poslužiti u pokriću gubitaka <i>Odabрати mogućі tekst: redovni osnovni kapital, dodatni osnovni kapital, dopunski kapital</i>
22.	Ako je konvertibilan, navesti emitenta instrumenta u koji se konvertuje. <i>Slobodan tekst</i>
23.	Navodi se da li postoji mogućnost smanjenja vrijednosti. <i>Odabрати mogućі tekst: da ili ne</i>

24.	Navode se uslovi pod kojima može doći do smanjenja vrijednosti, uključujući trenutak neodrživosti. Ako jedno ili više nadležnih tijela ima mogućnost pokrenuti smanjenje vrijednosti, potrebno je navesti ta tijela. Za svako od tijela treba navesti jesu li pravna osnova za pokretanje smanjenja vrijednosti ugovorne odredbe instrumenta (ugovorni pristup) ili zakonske odredbe (zakonski pristup).
	<i>Slobodan tekst</i>
25.	Navodi se da li se smanjenje vrijednosti instrumenta uvijek provodi u cijelosti ili se može provesti djelimično smanjenje vrijednosti ili se uvijek provodi djelimično smanjenje vrijednosti. Ova informacija može pomoći pri procjeni u kojoj mjeri instrument može poslužiti u pokriću gubitaka u slučaju smanjenja vrijednosti.
	<i>Odabрати mogući tekst: uvijek u cijelosti, u cijelosti ili djelimično, uvijek djelimično</i>
26.	Za instrumente sa mogućnošću smanjenja vrijednosti navodi se da li je smanjenje vrijednosti trajno ili privremeno. <i>Odabрати mogući tekst: trajno, privremeno, NP</i>
27.	Opisati mehanizam ponovnog priznavanja. <i>Slobodan tekst</i>
28.	Vrsta instrumenta koji će se pri likvidaciji ili stečaju naplatiti neposredno prije navedenog instrumenta, redovne dionice, nekumulativne prioritetne dionice, kumulativne prioritetne dionice, poslovni udjeli, obveznice, subordinisani dug izdat u vidu finansijskog instrumenta i drugo
	<i>Slobodan tekst</i>
29.	Navodi se da li postoje nesukladne karakteristike-da li je instrument konvertovan u drugi instrument koji ne zadovoljava uslove za uključivanje u kapital. <i>Odabрати mogući tekst: da ili ne</i>
30.	Ako ima neusklađenih karakteristika, banka ih treba navesti. <i>Slobodan tekst</i>